

საქართველოს მეცნიერებათა აკადემია  
კავკასიის ქვეყნებთან სამეცნიერო თანამშრომლობის კომისია  
საქართველოს არქეოლოგიური კომისია

АКАДЕМИЯ НАУК ГРУЗИИ  
КОМИССИЯ ПО НАУЧНОМУ СОТРУДНИЧЕСТВУ СО СТРАНАМИ КАВКАЗА  
АРХЕОЛОГИЧЕСКАЯ КОМИССИЯ ГРУЗИИ

კავკასიის არქეოლოგიური კონფერენცია – I  
АРХЕОЛОГИЧЕСКАЯ КОНФЕРЕНЦИЯ КАВКАЗА – I

მოსვენებათა მოკლე შინაარსები

Краткие содержания докладов

თბილისი ტბილისი

1998

ევქარისტული პურის (საფისკაპერის)  
ქართულწარწერიანი საბეჭდავი დაღისტნიდან

ხუნძახიდან (ავარეთი) მომდინარეობს კირქვაში გამოქანდაკებული წელშეზნევილ-ცილინდრული, ორმხრივი საბეჭდავი, რომელიც დაღისტან-საქართველოს გაერთიანებულ არქეოლოგიურ ექსპედიციას 1986 წელს გადასცა ხუნძმა მხარეთმცოდნე ბ-მა ალიბეკ კაზანბიევმა.

საბეჭდავის  $H=7,1$  სმ., სიმაღლეში მისი  $1/3$  ჩამოტეხილია, პორიზონტალური გვერდები დაზიანებულია, ამჩნევია ნაცეცხლარი.

საბეჭდავის მთავარი მხარის ფერდზე ამოკვეთილია ორი ჯვარი: ერთი გოლმკლავა (ე.წ. "ბერძნული"), მეორე – ექვსფრთა (ე.წ. "ლოგარინგული"). ჯვრები "კიდურწერტილოვნადაა" შემკული. ერთმანეთს შორის განკვეთილობის ნიშნად "ორწერტილი" აქვთ.

ავერსი:  $d=9$  სმ, შუაში ღრმად (1 სმ) ამოკვეთილია როგორც ჩანს, კვადრატული, კარგად დამუშავებული ფართი ("საუფლოა"), რომელშიც ღრმად ამოღარულია გოლმკლავა ჯვარი და მის ფრთებში უკუღმად ამოკვეთილია ასომთავრულით შესრულებული დაქარაგმებული ტექსტი:  $\text{ՄԻ ԴՆԸ ԺՂ} - \text{ձ(ԵՏ)Ս Դ(ՐԻՏԳ)Ե Լ(ՄՐԹԻՍ)ՏԱ ԺԵ.}$  საბეჭდავის გარშემო არეზე ("ანგილორზე"), შემორჩენილია ჯვრის ფრაგმენტი და უკუღმად ამოკვეთილი დაქარაგმებული ასომთავრული ასოები:  $\text{ԻՂ Դ(ՐԻՏԳ)Ե.}$  ზოგიერთი ასო "კიდურწერტილოვნადაა" შემკული. ქარაგმები "წაისრული" ფორმისაა.

რევერსი:  $d=8,5$  სმ, შუაში (0,8 სმ სიღრმეზე), ამოკვეთილია როგორც ჩანს, კვადრატული, ნაკლებად დამუშავებული ფართი ("საუფლოა"), რომელშიც ასევე ამოღარულია გოლმკლავა ჯვარი და მის ფრთებში უკუღმად ამოკვეთილია ასომთავრულით შესრულებული დაქარაგმებული ტექსტი:  $\text{ԻՂ ՄԻ ԺՂ Ո - Դ(ՐԻՏԳ)Ե Զ(ԵՏ)Ս ԺԵ Լ(ՄՐԹԻՍ)ՏԱ.}$  საბეჭდავის გარშემო არეზე ("ანგილორზე"), შესამჩნევია ასოთა ნარჩენები. აღვნიშნავთ, რომ საბეჭდავის ამ მხარეზეც, ზოგიერთი ასომთავრული ასო და წაისრული ქარაგმაც "კიდურწერტილოვნადაა" შემკული. ასო  $\text{Ո} -$  ღ-ანს თავზე პორიზონტალურად "სამწერტილი" უზის.

პალეოგრაფიული მონაცემებით ხუნძური საბეჭდავის წარწერები X-XI სს თარიღდება. ევქარისტული პურის ხუნძურ საბეჭდავზე არსებული ტექსტები (ანალოგიურია ანგიოქიის წმიდა ბარლაამის მონასტრის ევქარისტული პურის საბეჭდავის ქართულწარწერიანი ტექსტისა, პანოპოლისისა და წმიდა სვიმეონის მონასტრების საბეჭდავების ბერძნულენოვანი ტექსტებისა), განსხვავდება სეფისკაპერების წარწერათა ჩვეული ბიზანტიური ფორმულისაგან – იესუ ქრისტე ძლევამ, რაც შესაძლოა, სამეცნიერო ლიტერატურაში არსებული მოსაზრების გათვალისწინებით, აიხსნებოდეს

იმით, რომ საქართველოში მთაწმიდელი მამების მოღვაწეობამდე (XII) ღვთისმსახურების იერუსალიმური წესი არსებობდა.

ხუნძახში ევქარისტიული პურის ქართულწარწერიანი საბეჭდავის აღმოჩენა კიდევ ერთი თვალსაჩინო მაგალითია შუასაუკუნეების ხუნძეთში ქრისტიანული რელიგიის ღრმა გავრცელებისა და ეკლესიური ღვთისმსახურების არსებობისა.



*ნ. შანშაშვილი, ბ. ნარიშკინიშვილი (თბილისი)*

#### ციკლოპური ნამოსახლარების გათხრები წალკის რაიონში

წალკის რაიონი, რომელიც თრიალეთის მნიშვნელოვან რეგიონს წარმოადგენს, მდიდარია არქეოლოგიური ძეგლებით. არქეოლოგიურმა და ეთნოგრაფიულმა ექსპედიციებმა გამოავლინეს და შეისწავლეს მრავალი მნიშვნელოვანი საკითხი.

განსაკუთრებულ ყურადღებას იმსახურებს ე.წ. ციკლოპური ნამოსახლარები, რომელთა გათხრებიც პრაქტიკულად არ ჩატარებულა. მათ სისტემატიურ არქეოლოგიურ შესწავლას 1990 წლიდან აწარმოებს წალკის არქეოლოგიური ექსპედიცია. გამოვლენილ ნამოსახლართა შორის შედარებით ფართოდაა შესწავლილი საბეჭდავისა და კნოლეს ნამოსახლარები.

საბეჭდავის ციკლოპური ნამოსახლარი მდებარეობს სოფ. ბეშთაშენის ჩრდილოეთით, მდ. ბეშქენაშენისხევის მარცხენა ნაპირზე.

გათხრები ჩატარდა ადგილზე, რომელსაც ადგილობრივი მოსახლეობა "ელი-ბაბას" ეძახის, ისტორიული წყაროები – ვახუშტი ბაგონიშვილი, იოანე ბაგრატიონი – "საბეჭდავს".

გამოვლინდა ციკლოპური სიმაგრე, რომელიც აგებულია ბაზალტის დაუმუშავებელი ლოდებით, მშრალად. იგი განფენილია რამდენიმე ათეულ ჰექტარზე და შედგება სასიმაგრო სისტემისაგან და კვარტლებად განლაგებული სამოსახლოსაგან. სასიმაგრო სისტემა განლაგებულია მთის დასავლეთით მდებარე ოვალურ ტერასაზე. რომლის ფართობი 1,5 ჰა-ს უდრის. ტერასა გარშემორტყმულია ბაზალტის ლოდებით აგებული კედლით, რომლის სიგანე 3-5 მ-ია. კედელზე, შიგნიდან, მთელ პერიმეტრზე მიდგმულია ერთსათავსოიანი სახლები. სიმაგრის კედელში, ორ ადგილას, დადასტურდა კარი. აღმოსავლეთის კარიდან იწყება ერთრიგად დაწყობილი, ვერტიკალურად დაყენებული ბაზალტის ქვების ხეივანი (სიგანე 1200 მ). იგი მიემართება აღმოსავლეთისაკენ, 100 მ-ის შემდეგ იყოფა ორად და გარს უვლის მთას. წარმოქმნილ სივრცეში განლაგებულია საცხოვრებელი კვარტლები. ნამოსახლარზე გათხრილი სახლების კედლების სისქე 2-3 მ-ს უდრის. სიმაგრის შიგნით გათხრილი სახლები ერთსათავსოიანია, კვარტლებში